



Broj: 02-02 - 2251/23.
Bužim, dana 12.7. /23

OPĆINSKO VIJEĆE
OPĆINE BUŽIM

Predmet : Nacrt Odluke o izmjeni i dopuni Odluke o organizaciji i djelokrugu rada općinskog organa uprave Općine Bužim, dostavlja se,-

U prilogu akta dostavljamo Vam Nacrt Odluke o izmjeni i dopuni Odluke o organizaciji i djelokrugu rada Općinskog organa uprave Općine Bužim.

Molimo da Nacrt Odluke razmotrite te istu uputite u javnu raspravu.

S poštovanjem !

Obrađivač: Služba za opću upravu
i društvene djelatnosti

Dostavljeno :

1. Naslovu x 17
2. Sekretar vijeća
3. Općinski načelnik
4. Služba 02/4
5. a/a



OPĆINSKI NAČELNIK
Mersudin Nanić, dipl.ing.inf.

Na osnovu člana 49. Zakona o organizaciji organa uprave u FBiH ("Službene novine FBiH" broj:35/05), člana 21. Zakona o lokalnoj samoupravi Unsko-Sanskog Kantona ("Službeni glasnik USK" broj: 8/11) i člana 24. stav 1. tačka 19. Statuta općine Bužim ("Službeni glasnik općine Bužim" broj: 12/15), Općinsko vijeće općine Bužim na _____. sjednici održanoj dana _____. 2023. godine donijelo je :

O D L U K U

o izmjeni i dopuni Odluke o organizaciji i djelokrugu rada općinskog organa uprave općine Bužim

Član 1.

U Odluci o organizaciji i djelokrugu rada općinskog organa uprave općine Bužim (Službeni glasnik Općine Bužim broj: 4/21 i 11/21) vrše se sljedeće izmjene i dopune kako glasi:
U članu 13. iza rednog broja 6. Kabinet Općinskog načelnika dodaje se nova služba redni broj: 7. i glasi Služba za stručne poslove Općinskog vijeća.

Član 2.

U članu 14. stav (1) u alinejama 1.,3., 5., riječi komunalnih poslova se brišu, alineja 10 se briše, dosadašnje alineje od 11.do 24., postaju alineje od 10. do 23.

Član 3.

U članu 16. stav (1) iza alineje 17. dodaje se nova alineja 18. koja glasi: Sprovođenje i izvršavanje zakona i drugih propisa, općih akata iz oblasti komunalnih poslova, priprema stručnih mišljenja i objašnjenja za primjenu zakona iz oblasti komunalnih poslova, izrada elaborate, programa iz oblasti komunalnih poslova, praćenje i izvršavanje poslova iz oblasti komunalne potrošnje, vođenje prvostepenog upravnog postupka iz oblasti komunalnih poslova kao i vršenje drugih poslova iz komunalne oblasti.
Dosadašnje alinje 18.,19.,20., i 21., postaju alineje 19.,20.,21.,i 22.,

Član 4.

Iza člana 19. dodaje se novi član 20. i glasi: (Služba za stručne poslove Općinskog vijeća)
Služba za stručne poslove Općinskog vijeća vrši sljedeće poslove:

- Organizovanje i obavljanje stručnih, administrativno tehničkih poslova i operativno tehničkih poslova za Općinsko vijeće, njegove komisije i radna tijela,
- Stručna pomoć u pripremi sjednica Općinskog vijeća i radnih tijela,
- Izrada akata koje je usvojilo Općinsko vijeće,
- Izrada službenog glasnika i zapisnika vijeća , radnih tijela vijeća i Općinskog načelnika,
- Stručni i tehnički poslovi saradnje sa ostalim službama u vezi pripreme i materijala za Općinsko vijeće,
- Poslovi oko izrade Statuta općine, Poslovnika i programa rada Općinskog vijeća,
- Praćenje obaveza Općinskog načelnika prema Općinskom vijeću i drugim organima i subjektima,
- Priprema izvjetaje i informacije za potrebe Općinskog vijeća, pružanje stručne pomoći radnim tijelima,
- Koordiniranje rada između Općinskog vijeća, radnih tijela vijeća, Općinskog načelnika i službi
- Izrađuje i prati implementaciju Strategije razvoja Općine Bužim
- Obavlja i druge poslove u skladu sa zakonom i zaključkom Općinskog vijeća

Dosadašnji članovi od 20. do 33 postaju članovi od 21.do 34.

Član 5.

Općinski načelnik će nakon stupanja na snagu ove Odluke najkasnije u roku od 30. dana donijeti Pravilnik o unutrašnjoj organizaciji i sistematizaciji radnih mjesta općinskog organa uprave Općine Bužim usaglašen sa odredbama ove Odluke.

Član 6.

Ova Odluka stupa na snagu osmog dana objavljivanja u Službenom glasniku Općine Bužim , a primjenjivat će se donošenjem Odluke o budžetu Općine Bužim za 2024 godinu. Primjenom ove Odluke prestaje da važi Odluka o osnivanju stručne službe Općinskog vijeća (Službeni glasnik Općine Bužim, broj: 9/08)

Broj: 01-02-_____/23
Bužim,_____/23

PREDSJEDAVAJUĆI OPĆISKOG VIJEĆA
Hasan Hilić

OBRAZLOŽENJE


Odlukom o organizaciji i djelokrugu organa uprave Općine Bužim (Službeni glasnik općine Bužim, broj: 4/21 i 11/21) osnovane su i organizovane službe jedinstvenog općinskog organa uprave Općine Bužim, utvrđen njihov djelokrug, rukovođenje i druga slična pitanja. Odlukom o osnivanju stručne službe Općinskog vijeća (Službeni glasnik općine Bužim broj: 9/08) osnovana je stručna služba i utvrđeni zadaci, organizacija i rad, unutrašnja organizacija, ovlasti i odgovornosti rukovodioca stručne službe, te ostvarivanje prava, obaveza i odgovornosti službenika i namještenika stručne službe, za potrebe Općinskog vijeća.

Rad i funkcionisanje osnovanih službi za upravu kao osnovnih organizacionih jedinica koje u svom sastavu nemaju odjeljenja, pokazao je da bi u cilju efikasnijeg i boljeg rada bilo neophodno pristupiti izmjeni postojećih organizacija i djelokrugu organa uprave, što predstavlja i osnovni razlog pristupanju izmjeni Odluke o organizaciji organa uprave, te na taj način omogućiti nesmetano obavljanje poslova određenih organizacionih jedinica, a sve u okvirima njihove propisane nadležnosti.

OBRAZLOŽENJE PREDLOŽENIH RJEŠENJA

Poslovi koji su se vršili u okviru Stručne službe Općinskog vijeća vršit će se u okviru Službe za poslove Općinskog vijeća u sastavu Jedinstvenog općinskog organa uprave Općine Bužim. Članom 13. Odluke vrši se izmjena osnovanih službi te se ovom odlukom osniva služba za stručne poslove Općinskog vijeća u sastavu organa uprave, a u svrhu obavljanja stručnih poslova Općinskog vijeća.

Početak primjene ove odluke je donošenjem budžeta općine Bužim za 2024 godinu.



OPĆINSKI NAČELNIK
Mersudin Nanić, dipl.ing.inf.